



Na osnovu člana 69. stav 2. e) i 70. st. 1. 4. i 6. Zakona o javnim nabavkama („Sl. glasnik BiH“, broj 39/14), u otvorenom postupku za nabavku usluga tekućeg održavanja prostorija mjesnih zajednica Grada Zenica, Gradonačelnik donosi:

**ODLUKU
o poništenju postupka javne nabavke**

Član 1.

Poništava se otvoreni postupak javne nabavke za nabavku usluga održavanja prostorija mjesnih zajednica Grada Zenica, iz razloga što je cijena prihvatljive ponude znatno veća od osiguranih sredstava za predmetnu nabavku, a u skladu sa članom 69. stav 2. tačka e) Zakona o javnim nabavkama.

Član 2.

Za izvršenje ove odluke zadužuje se i ovlašćuje Služba kabineta Gradonačelnika.

Član 3.

Ova odluka objavit će se na web-stranici Grada Zenica, u skladu sa članom 70. stav 6. Zakona o javnim nabavkama.

Član 4.

Ova odluka stupa na snagu danom donošenja.

OBRAZLOŽENJE

Postupak javne nabavke pokrenut je Odlukom o pokretanju postupka javne nabavke broj: 02-11-10836/22 od 18.05.2022. godine. Obavještenje o nabavci broj: 1355-1-2-160-3-86/22 objavljeno je na Portalu javnih nabavki dana 24.05.2022. godine.

Procijenjena vrijednost za predmetnu nabavku iznosila je 51.000,00 KM bez PDV-a.

Ponuda ponuđača “NOBEX” d.o.o. Zenica ne ispunjava uslove propisane tačkom 3.2., 3.3., 4.1. tenderske dokumentacije, čl. 18. Uputstva za pripremu modela tenderske dokumentacije i ponuda. Ponuđač je dostavio ponudu koja nije uvezana, svaki list ponude je odvojen od ostalih, te nijedna stranica ponude nije numerisana, a čime nije obezbijeđeno naknadno umetanje ili vađenje listova, niti kontinuitet ponude, te samim tim nije ispunjen ni postavljeni uslov iz tačke 4.1. tenderske dokumentacije.

U obrascu za cijenu ponude, ispravke grešaka u tačkama 2.7., 3.5., vršene su na nepropisan način, odnosno iste nisu potvrđene potpisom ponuđača i datumom izvršene ispravke kako je propisano čl. 18. Uputstva za pripremu modela tenderske dokumentacije i ponuda.

Ponuđač nije dostavio dokaz da ima pravo obavljanja profesionalnom djelatnošću kako je propisano tačkom 3.2. tenderske dokumentacije. Također, ponuđač nije dostavio ni dokaze u svrhu ispunjavanja uslova iz tačke 3.3. tenderske dokumentacije koji se odnose na tehničku i



BOSNA I HERCEGOVINA
FEDERACIJA BOSNE I HERCEGOVINE
GRAD ZENICA

profesionalnu sposobnost, odnosno u ponudi nedostaje spisak izvršenih ugovora izdat od strane ponuđača, sa potvrdama o uspješnoj realizaciji ugovora.

Na prvoj stranici ponude - Prijava na javnu nabavku od strane Grada Zenica, navodi se da je direktor Benjamin Muračević, a što Komisija ne može utvrditi s obzirom da u dostavljenoj ponudi nedostaje dokaz o pravu na obavljanje profesionalne djelatnosti.

Dalje, Izjave po čl. 45 i čl. 52 potpisuje ovlaštena osoba ponuđača (direktor ili druga osoba ovlaštena od strane direktora). Pomenute izjave su potpisane od strane Ahmeda Pašalića, koji nije naveden kao direktor i za kojeg nije dostavljeno ovlaštenje/punomoć za potpisivanje Izjava po čl. 45 i 52. Zakona.

Ponuda ponuđača "LAIKERT" d.o.o. Zenica ne ispunjava uslove propisane tačkom 3.3. tenderske dokumentacije kojom je propisano „u svrhu dokazivanja tehničke i profesionalne sposobnosti ponuđač je dužan dostaviti: spisak izvršenih ugovora, izdat od strane ponuđača, u skladu s članom 48. stav (2) Zakona o javnim nabavkama, a koji su u vezi s predmetnom nabavkom, za period ne duži od tri godine ili od datuma registracije, odnosno početka poslovanja, ako je kandidat/ponuđač registriran, odnosno počeo s radom prije manje od tri godine, sa potvrdama o uredno izvršenim uslugama koje je izdala druga strana potpisnica ugovora.“ Ponuđač nije dostavio spisak izvršenih ugovora stoga je njegova ponuda neprihvatljiva.

Shodno navedenom ponude ponuđača "NOBEX" d.o.o. Zenica i ponuđača "LAIKERT" d.o.o. Zenica se odbacuju u skladu sa članom 68 stav 4) tačka i) Zakona o javnim nabavkama.

Ponuda ponuđača "KULA MONT" d.o.o. Zenica u vrijednosti od 66.674,00 KM bez PDV-a znatno premašuje procijenjenu vrijednost nabavke koja je iznosila 51.000,00 KM bez PDV-a.

S obzirom na gore navedeno, Ugovorni organ poništava postupak javne nabavke u skladu sa članom 69. stav 2. tačka e) Zakona o javnim nabavkama.

POUKA O PRAVNOM LIJEKU

Protiv ove odluke može se izjaviti žalba Uredu za razmatranje žalbi putem ugovornog organa: Grad Zenica, Služba kabineta Gradonačelnika, Trg BiH 6, 72000 Zenica, u roku od 10 (deset) dana od dana prijema ove Odluke.

Žalba se podnosi u 3 (tri) primjerka u pisanoj formi.

Broj: 02-11-10836-1/22

Datum: 23.06.2022. godine

DOSTAVLJENO:

3 x Ponuđači

1 x Služba kabineta Gradonačelnika

1 x Tenderska dokumentacija

1 x a/a



GRADONAČELNIK:

Fuad Kasumović

TRG BIH 6 | 72000 ZENICA

TELEFON 032 447 700 | TELEFON 032 447 775 - KABINET GRADONAČELNIKA | FAX 032 447 776

www.zenica.ba